



Aðalfundur 2016

Aðalfundargerð

Aðalfundur Búnaðarsamtaka Vesturlands 2016

Hvanneyri 14. apríl 2016

Dagskrá

Kl. 11.00

1. Fundur settur, skipan starfsmanna
2. Skýrsla formanns Þórhildar Þorsteinsdóttur
3. Ávarp gesta. – Sigurgeir Sindri Sigurgeirsson formaður Bændasamtaka Íslands
Björn Þorsteinsson rektor Landbúnaðarháskóla Íslands
4. Afgreiðsla kjörbréfanefndar
5. Ársreikningur lagður fram. – Guðmundur Sigurðsson
Matarhlé
6. Umræður um skýrslu stjórnar og reikninga
7. Afgreiðsla reikninga
8. Kynning á búnaðarnámi Landbúnaðarháskóla Íslands - Jóhannes Kristjánsson
9. Framtíðarnefnd BV, kynning á skýrslu nefndarinnar. – Eiríkur Blöndal
10. Tillögur lagðar fram
11. Nefndarstörf
12. Afgreiðsla mála
13. Kosning stjórnar og varastjórnar
14. Kosning skoðunarmanna og endurskoðenda
15. Önnur mál
16. Fundarslit

1. Fundarsetning

Fimmtudaginn 14. apríl 2016 var aðalfundur Búnaðarsamtaka Vesturlands (BV) haldinn í húsnæði Landbúnaðarháskóla Íslands á Hvanneyri

Fundinn setti formaður Búnaðarsamtaka Vesturlands, Þórhildur Þorsteinsdóttir og bauð hún gesti og fundarmenn velkomna. Þórhildur gerði að tillögu sinni að Ólafur Jóhannesson og Kristján Magnússon yrðu fundarstjórar og lagði til að ritarar fundarins væru Anton Torfi Bergsson og Ingveldur Ingibergsdóttir. Var sú tillaga samþykkt og bað formaður fundarstjóra að taka við stjórn fundarins. Fundarstjóri skipaði í kjörbréfanefnd: Rúnar Jónasson, Albert Guðmundsson og Ásgeir Ásgeirsson, tóku þeir þegar til starfa.

2. Skýrsla formanns Búnaðarsamtaka Vesturlands fyrir árið 2015

Íslenskur landbúnaður var Halldóri Laxness löngum hugleikinn. Árið 1942 ritaði hann grein sem nefnist „Landbúnaðarmál“ og prentuð var í Vettvángi dagsins. Í grein sinni segir Halldór: „Á síðari árum má sjá þeim skoðunum mjög haldið fram í dagblöðum sumra stjórn málaflókka, að landbúnaðarstörf á Íslandi útheimti meira siðferðisþrek en önnur störf manna. Þessar kenningar um „hetjuskap“, „sjálfsafneitun“ og „skapfestu“ og aðrar dyggðir í sambandi við landbúnað eru ævinlega, eins og allur hálf-yfirskilvitlegur málaflutningur, fram bornar í viðkvæmum, altað því grátklökkum tóni.

Maður skyldi næstum halda, að þetta væri guðsorð. ... Samhliða skrifunum um siðferðislegt ágæti landbúnaðarstarfa birta dagblöðin dapurlegar greinar um þá staðreynd, að vinnuaflið ber sem óðast burt frá þessari atvinnugrein til annarra atvinnugreina. Halldór heldur því fram í grein sinni að afurðirnar séu heldur klénar og afrakstur bænda lítill. Hann byggist upp á einyrkjabúum - fjölskyldubýlum - sem engan veginn geti staðið undir sér. Stórbú sem hafi verið sett á stofn, t.d. Korpúlfsstaðir, hafi hins vegar skilað góðum arði en verið drepin með löggjöf: „Mein íslenska sveitabúskaparins er það, að hann er alment rekinn á grundvelli sem lítið á skylt við landbúnað og enn minna við iðjurekstur í nútímaskilningi og getur í rauninni varla kallast atvinnuvegur í sannri merkingu þess orðs. Ef ætti að flokka hann, heyrir hann eftilvill helst undir sport eins og þolhlaup eða í besta falli stángaveiði. Undir lok greinarinnar ritar síðan Halldór Laxness: „Það sem vakir fyrir höfundi þessarar greinar er ekki fyrst og fremst sósíalistiskur rekstur landbúnaðar, heldur endurbætur á búrekstri innan þess auðvaldsþjóðskipulags sem við Íslendingar búum við, til þess að bæta úr nauðsyn, sem tveim höfuðaðilum er jafnbrýn í svip, neytendum og framleiðendum.

Eins og sjá má á þessum skrifum hafa menn löngum haft skoðanir á landbúnaðarmálum, það er ekki nýtt. En það sem við stöndum frammi fyrir í dag, sem Halldór Laxness gerði ekki 1942, er að við lifum á tímum samfélagsmiðla.

Í heimum alnetsins þá kemur það óneitanlega á óvart hve margir eru uppteknir af annmörkum og óförom annarra, víða gætir óþolinmæði, skorti á aga og trausti og ekki síst vantar oft góða umræðuhefð í samfélaginu. Orðræðan er harðari en áður og einkennist af mikilli dómhörku á kostnað málefnalegra rökræðna. En það er nú oft þannig að menn sem nota rök sem ekkert hald er í geta samt sem áður búið til ómálefnalegar umræður byggðar á rangtúlkun, upphrópunum og misskilningi. Á tímum alnetsins er það ótrúlega fljótlegt.

Það er reyndar hvorki nýtt né séríslenskt að hamast sé á landbúnaði og hann talinn til tímaskekktar forneskju. Sannleikurinn er sá að bæði í stjórn málum og fjölmiðlum, reyndar á ýmsum öðrum stigum

samfélagsins, lifa óþægilega margir í eigin heimi og fjarri veruleika. Oftar en ekki í þeim tilgangi að koma sér í mjúkinn hjá ímynduðum viðhlæjendum. Þegar hinn svonefndi almenningur er spurður lýsir þorri hans yfir stuðningi en hlusti menn eingöngu á (suma) fjölmiðla mætti ætla að 80% væri í nöp við greinina.

Það er óþolandi að þurfa að verja landbúnað innanlands. Við þurfum að greina sóknarfærin, ýta undir nýsköpun og stunda landbúnað í sátt og samvinnu við ýmsa aðila t.d ferðaþjónustuna en til þess að það geti gengið þá þurfa allir að tala saman. 40 þús. ferðamenn sem þurfa mat á hverjum degi yfir háannatímamann, eigum við eitthvað að ræða það eitthvað? eins og einhver myndi segja.

Að vera bóndi felst í svo mörgu. Þú ert að framleiða mat, þú ert umsjónarmaður lands, þú ert ræktandi, þú viðheldur félagslegum þrótti í dreifbýlinu, þú og þín fjölskylda skipta gríðarlega miklu máli í þínu nærumhverfi. Verum stolt af því að vera bændur. Verum stolt af þeim vörum sem við framleiðum.

Rekstur Búnaðarsamtaka Vesturlands gekk ekki alveg eins og vonir stóðu til í byrjun árs og er rekstur samtakanna gerður upp með tapi upp á kr. 2.202.572.-

Rekstrartekjurnar urðu rúmlega 103 milljón sem er aukning á milli ára um rúmlega 1,4 mkr. en rekstrargjöldin hækkuðu þrjátíu fyrir að við næðum töluverði lækkun gjalda er varða bifreiða- og rekstrargjöld ásamt öðrum rekstrarkostnaði en launaliðurinn hækkaði meira en við gerðum okkur kannski grein fyrir í byrjun árs.

Búnaðarsamtökin leigja RML meiripart skrifstofuhúsnæðis síns og einnig hafa bílar BV verið leigðir til þeirra þegar þarf. Nýr bíll var keyptur í sæðingarnar og aðrir bílar seldir sem ekki var not fyrir.

Starfssemi BV var með hefðbundnu sniði á árinu, sæðingarstarfsemi bæði í nautgripærækt og sauðfjárrækt, bændabókhalda, klaufsnyrting, lögbundnar úttektir á þróunar- og jarðabótaverkefnum og umsóknum fyrir Framleiðnisjóð. Einnig hefur Guðmundur Hallgrímsson sinnt verkefninu um starfsumhverfi bænda sem ber heitið „Búum vel“ í samvinnu við Bændasamtök Íslands. Árið 2015 var þriðja starfsár verkefnisins sem hefur það markmið að bæta öryggis- og vinnuverndarmál bænda, í þeim tilgangi að fækka slysum í landbúnaði og stuðla að góðu vinnu-umhverfi og bættri ásýnd bæja.

Bjargráðasjóður fluttist til okkar og er Torfi Bergsson framkvæmdastjóri hans í 30% starfi.

Starfssemi sauðfjársæðingarstöðvarinnar í desember sl. gekk vel, aðeins fækkun var á milli ára í seldu sæði. Þetta er mikil vinnutörn og það var lúíð en kátt starfsfólk stöðvarinnar þann 21. des sl. þegar formaður og framkvæmdastjóri heimsóttu þau og færðu þeim gott með kaffinu í tilefni þess að vertíðinni var lokið.

Í september sl. var haldinn fundur á Hótel Borgarnesi um þá nýgerðan samning við ESB um viðskipti með landbúnaðarvörur. Á fundinum mættu Sigurður Ingi Jóhannsson ráðherra landbúnaðarmála og Erna Bjarnadóttir landbúnaðarhagfræðingur hjá Bændasamtökum Íslands. Skemmst er frá því að segja að húsfyllir varð og ég held, að ef ég vitna í orð Þórólfs á Ferjubakka þá segir allt sem segja þarf í þessu fáu orðum: „Sumir töldu allt á leiðinni til heljar, aðrir að nú fyrst horfði til betri vegar. Hvorir tveggja töldu sig hafa rétt að mæla og færðu fyrir því rök. Lauk svo fundinum“. En að öllu gríni slepptu þá var þetta góður fundur þar sem flestar búgreinar komu saman og áttu samtalið við ráðherra um þetta gríðar mikilvæga mál.

Í nóvember sl. var formannafundur Bændasamtaka Íslands Stærsta málið á formannafundi var staða á samningaviðræðum um búvörusamninga. Farið var yfir stöðuna fyrir hverja búgrein fyrir sig, þ.e.a.s sauðfé, nautgripæræktina og garðyrkjuna. Í kjölfarið var svo haldinn fjölmennur bændafundur á Hótel Borgarnes um sama málefni.

Á síðasta aðalfundi var samþykkt tillaga að stofna skyldi framtíðarnefnd sem hefði það hlutverk að ræða og móta tillögur um félagslega starfssemi BV á komandi árum. Greina í samvinnu við öll búnaðarfélög BV sóknarfæri félaganna og efla samtakamátt bænda þvert á búgreinar á félagssvæðinu til styrkingar byggðar í sveitum. Stjórn skipaði í þessa nefnd eftirfarandi félagsmenn: Eirík Blöndal, Sigrúnu Ólafsdóttur, Bryndísi Karlsdóttur, Sigbjörn Björnsson og Hannes Magnússon. Ég vísa í meðfylgjandi skýrslu sem er í gögnum aðalfundar og einnig mun formaður nefndarinnar gera grein fyrir starfinu hér á eftir.

Formaður hefur tekið þátt í starfi á vegum Sóknaráætlunar Vesturlands um eflingu menntunar og samstarfs í matvælaframleiðslu á Vesturlandi. Á íbúa þingi Vestlendinga í maí 2015 var sú afstaða ítrekuð af fundarmönnum að leggja bæri áherslu á að efla þessa atvinnugrein eins og kostur er ásamt ferðapjónustunni. Í þessari vinnu er m.a. verið að skoða hvort og hvernig þessar atvinnugreinar geti í auknu mæli nýst hvor annarri, eflingu á beint frá býli og efla samtal framleiðenda og neytenda.

Búnaðarþing var um mánaðarmótin mars/apríl. Meðal annars var samþykkt ályktun um umhverfisstefnu landbúnaðarins og kolefnisjöfnun búskapar. Samþykktar voru ályktanir um lagningu raflína, verndun ræktarlands, nýtingu jarðeigna ríkisins og fjallskil svo dæmi séu nefnd. Þá var einnig fjallað um merkingar búvara, landbúnaðarháskóla, smitvarnir og innflutning á hráu kjöti. Talsvert var einnig fjallað um innviði hinna dreifðu byggða eins og undanfarin ár.

Búið er að gera þinginu góð skil í Bændablaðinu og á www.bondi.is Allnokkrar breytingar urðu á stjórn samtakanna, en stjórnarmönnum var fækkað úr sjö í fimm. Búnaðarþing verður nú haldið annað hvert ár, þannig að næsta þing verður 2018. Næsta ár verður ársfundur BÍ sem verður dagsfundur.

Auk þeirra funda og mála sem hafa verið rakin hér að ofan hefur formaður sótt ýmsa fundi og viðburði sem tengjast landbúnaðarmálum á einn eða annan hátt.

Stærsta mál Búnaðarsamtaka Vesturlands á komandi ári og árum er fjármögnun og rekstur BV til framtíðar, í kjölfar afnáms innheimtu búnaðargjalds.

Það er undir okkur sjálfum komið hvernig starfssemi BV verður til framtíðar litið. Ljóst er að við þurfum að hugsa þessa hluti alla upp nýtt og fundurinn í dag verður að ákveða og taka einhverja framtíðarstefnu. Það eru fullt af spurningum sem við þurfum að svara; í fyrsta lagi eru menn með það á hreinu hvað þeir hafa verið að greiða í búnaðargjald og hvaða þjónustu hafa menn fengið í staðinn ?

Eigum við að hækka félagsgjaldið ásamt því að hækka gjaldskrá ? Eða eigum við að hækka bara félagsgjaldið og reyna að halda gjaldskrárhækkunum í hófi ? Eða eigum við bara að hækka gjaldskrá ? Er ekki kominn tími til að BV hætti að greiða fyrir fundarsetu á aðalfundi BV, greiða bara fyrir akstur ? Jafnvel að greiða bara ekki neitt ? Eigum við ekki að opna á félagsaðild búgreinafélaganna að BV ? Er ekki komin tími á að fækka stjórnarmönnum í þrjá, hætta þessari úreltu svæðaskiptingarhugsun ? Hvert viljum við að hlutverk BV verði í framtíðinni ? Eru menn hér með nýjar hugmyndir að verkefnum ?

Þetta eru krefjandi spurningar en þeim þurfum við að reyna að svara. Stjórn BV þarf að fá ákveðin og skýr skilaboð frá ykkur fulltrúar góðir til að geta mótað stefnuna og lagt til breytingar á samþykktum fyrir næsta aðalfund BV.

Það þýðir ekki að koma með það útspil að gera ekki neitt og vísa málum til stjórnar eða skipa nefnd. Núna höfum við tækifæri til að taka til, að móta stefnuna, ákveða hvernig við viljum hafa okkar félagsskap, hvert við viljum fara með samtökin okkar og hvernig við ætlum að reka þau. Því kalla ég eftir umræðu um þessi mál og biðla til ykkar fundarmenn, um að tjá ykkur hér í dag um hvernig þið sjáið framtíð Búnaðarsamtaka Vesturlands.

Starfsfólki Búnaðarsamtaka Vesturlands eru hér færðar þakkir fyrir þeirra störf sem unnin eru af trúmennsku og áhuga. Bændum á Vesturlandi, Vestfjörðum og Kjalarnesi eru færðar þakkir fyrir ánægjulegt samstarf. Samstarfsmönnum mínum í stjórn BV þakka ég góða samvinnu. Að lokum er framkvæmdastjóra, Guðmundi Sigurðssyni færðar þakkir fyrir ánægjulegt og gott samstarf.

Brekku Norðurárdal 12. apríl 2016

Þórhildur Þorsteinsdóttir.

3. Ávörp gesta

- Sigurgeir Sindri Sigurgeirsson formaður BÍ fluttir góðar kveðjur frá Bændasamtökum Íslands. Sindri talaði um umbrotatíma í íslensku þjóðfélagi. Hann fór yfir ferli nýju búvörusamninganna og nú væri aðeins afgreiðsla alþingis eftir.

- Björn Þorsteinsson rektor Landbúnaðarháskóla Íslands þakkaði okkur komuna í húsnaði Lbhí. Hann fór lauslega yfir stöðu skólans rekstrarlega sl. ár og framtíðarsýn skólans en þar er mikið óljóst. Björn tók undir áhyggjur Þórhildar varðandi umræðuna í þjóðfélaginu varðandi landbúnaðarmál. Hann taldi mikilvægt að efla Hvanneyrarstað og talaði um samstarf við Háskólann á Bifröst í tengslum við stefnumótun skólans.

- Sigmundur H. Sigmundsson formaður Búnaðarsambands Vestfjarða ávarpaði fundarmenn og bar fram þakklæti fyrir gott samstarf við BV. Hann lýsti því yfir að Búnaðarsamband Vestfjarða stæði frammi fyrir sömu vandamálum varðandi afnám búnaðargjaldsins, þar sem engar tekjur munu koma inn árið 2017. Sigmundur nefndi hugsanlega sameiningu við BV. Í Búnaðarsambandi Vestfjarða eru 208 félagsmenn á 100 lögbýlum.

4. Afgreiðsla kjörbréfanefndar

Rúnar Jónasson gerði grein fyrir kjörbréfum

Frá Búnaðarfélagi Hvalfjarðar:

Daníel Ottesen

Helgi Már Ólafsson

Frá Búnaðarfélagi Skorradals:

Jón Eiríkur Einarsson

Frá Búnaðarfélagi Andakíls:

Eiríkur Blöndal

Egill Gunnarsson

Frá Búnaðarfélagi Lundarreykjadal:

Óskar Halldórsson

Ólafur Jóhannesson

Frá Búnaðarfélagi Reykdæla – enginn fulltrúi

Frá Búnaðarfélagi Þverárþings:

Pétur Diðriksson

Ingibjörg Daníelsdóttir

Ásgeir Ásgeirsson

Frá Búnaðarfélagi Mýramanna:

Halldór J. Gunnlaugsson

Sigurjón Helgason

Unnur Sigurðardóttir

Frá Búnaðarfélagi Kolbeinsstaðahrepps:

Kristján Magnússon

Albert Guðmundsson

Frá Búnaðarfélagi Eyja-og Miklaholtshrepps:

Guðný Linda Gísladóttir

Guðbjartur Gunnarsson

Frá Búnaðarfélagi Staðarsveitar:

Sigurjón Grétarsson

Frá Búnaðarfélagi Eyrarsveitar:

Guðrún Lilja Arnórsdóttir

Arnór Kristjánsson

Frá Búnaðarfélagi Helgafellssveitar – enginn fulltrúi

Frá Búnaðarfélagi Hörðudals:

Svavar H. Jóhannsson

Frá Búnaðarfélagi Miðdala:

Sigursteinn Hjartarson

Helga Guðmundsdóttir

Sigurdís Sigursteinsdóttir

Frá Búnaðarfélagi Laxárdals:

Magnús Kristjánsson

Frá Búnaðarfélagi Hvammsfjarðar:

Rúnar Jónasson

Arnar Eysteinnsson

Samkvæmt kjörbréfum voru 27 fulltrúar mættir. Ekki komu fram athugasemdir við þessa fulltrúa og teljast þeir því réttkjörnir.

Auk þess sátu fundinn, Ásbjörn K. Pálsson Búnaðarþingsfulltrúi, Valberg Sigfússon stjórnarmaður BV, Sigmundur H. Sigmundsson formaður Búnaðarsambands Vestfjarða og gestur fundarins Sigurgeir Sindri Sigurgeirsson frá BÍ.

5. Ársreikningur lagður fram.

Guðmundur fór yfir framlagðan ársreikning og eru helstu niðurstöður úr rekstrar-og efnahagsreikningi eftirfarandi:

Rekstrartekjur alls kr. 103.221.724.-

Rekstrargjöld alls kr. 99.261.443.-

Afskriftir kr. 4.697.061.-

Tap fyrir fjármagnsliði er kr. 736.780.-

Fjármagnsliðir eru neikvæðir um kr. 1.462.290.-

Tap dótturfélagsins BBV ehf er kr. 3.502.-

Tap ársins er kr. 2.202.572.-

Eignir samtals eru kr. 54.760.947.-

Eigið fé er alls kr. 19.251.516.-

Skuldir samtals eru kr. 35.509.431.-

Skuldir-og eigið fé alls kr. 54.760.947.-

Matarhlé

6. Umræður um skýrslu stjórnar og reikninga.

Pétur Diðriksson tók til máls, hann þakkaði stjórn og starfsfólki fyrir unnin störf og skilaði kveðju frá Kúabændafélaginu Baulu. Pétur vitnaði í spurningar Þórhildar varðandi rekstur og innheimtu gjalda, hann spurði: hvað viljum við láta BV gera?

Eiríkur Blöndal tók til máls, hann kom inná þetta með félagsgjöldin og hvað fælist í því að vera aðili að Búnaðarsamtökunum.

Guðmundur Sigurðsson tók til máls varðandi innheimtu og gjaldskrá.

Þórhildur Þorsteinsdóttir tók til máls og ítrekaði mikilvægi þessa máls sem afnám búnaðargjaldsins er.

7. Afgreiðsla reikninga – reikningar samþykktir samhljóða

8. **Kynning á búnaðarnámi hjá Landbúnaðarháskóla Íslands – Jóhannes Kristjánsson**
9. **Framtíðarnefnd BV – kynning á skýrslu nefndarinnar - Eiríkur Blöndal**

Inngangur

Á fyrsta fundi nefndarinnar var ákveðið að Eiríkur Blöndal yrði formaður nefndarinnar en að Guðmundur Sigurðsson sæi um ritun fundargerða. Nefndin hélt þrjá fundi og voru þeir haldnir í húsakynnum BV að Hvanneyri. Ákveðið var að skrifa bréf til aðildarfélaga BV og heyra hvað þau hafa til málanna að leggja varðandi starfsemi BV, en viðbrögð við þeirri málaleitan voru takmörkuð.

Helstu niðurstöður nefndarinnar

1. Nefndin telur æskilegt að samþykktir BV séu á hverjum tíma sambærilegar samþykktum Bændasamtaka Íslands hvað varðar félagsaðild. Nefndin telur ennfremur að fulltrúakjör á aðalfund samtakanna sé æskilegasta formið. Með þessum breytingum væri markmiðið að opna samtökin fyrir fleiri félögum og skoða möguleika á að opna fyrir aukaaðild. Nefndin leggur til í samræmi við þetta að aðalfundur verði annað hvort ár og þá opin öllum jafnvel með fræðsluerindum. Hitt árið verði formannafundur sem færi með nauðsynleg hlutverk svo sem afgreiðslu reikninga.
2. Nefndin telur að besta leiðin til að styrkja grasrótastarfið/ starfsemi innan aðildarfélaganna sé aukin áhersla á aðkomu nýliða og væntanlegra nýliða í landbúnaði. Nefndin telur koma til greina að BV bjóði upp á félagsmálanámskeið með áherslu á landbúnaðarpólitík og stefnu BV fyrir bændur í samstarfi við félag ungra bænda á svæðinu. Til greina gæti komið að félagar í félögum ungra bænda á svæðinu ættu sjálfkrafa tiltekin réttindi innan BV.
3. Nefndin telur að BV eigi í starfi sínu að leggja áherslu á þætti er varða búsetu og búsetuþróun í sveitum. Þetta megi t.d. gera með því að leggja áfram ríka áherslu á innviði (svo sem samgöngur og fjarskipti) og að þetta sé nauðsynlegt til þess að efla búsetu og nýliðun og þar með landbúnað á félagssvæðinu.
4. Varðandi rekstur samtakanna telur nefndin mikilvægt að halda þeim verkefnum sem BV er með nú en nauðsynlegt geti verið að fara yfir rekstur BV með það í huga að ná meiri hagkvæmni þar og forgangsraða verkefnum. Nefndin telur að það sé þó fyrst og fremst í verkahring stjórnar samtakann á hverjum tíma. Mikilvægt er að auka þá þætti starfseminnar sem hægt er og ná inn nýjum verkefnum sem falla vel að annarri starfsemi félagsins. Aukin virkni í félagsstarfi er þó mikilvægari fyrir BV en veltuaukning. Þetta tvennt getur samt tvímælalaust í sumum tilvikum farið saman. Nefndin telur að þó félagsgjöld til BV megi ekki verða of há sé lykilatríði að félagsmenn upplifi að þeir fái eitthvað í staðin fyrir félagsgjöldin. Breytt umhverfi hvað varðar búnaðargjald gerir það að verkum að það verður huga enn og aftur að fjármögnun starfsins. Nefndarmenn sjá fyrir sér að fjármögnun samtakanna verði á næstu árum borin upp af þremur megin þáttum, félagsgjöldum, rekstri eigna og arðbærum rekstri á þjóðþrifaverkefnum. Að auki þurfa samtökin á hverjum tíma að vakta þau sóknarfæri sem gefast vegna verkefna á vegum ríkisins.
5. Nefndin telur að BV þurfi að vera sýnilegri en nú er t.d. með að því bæta samfélagsmiðla félagsins og hafa opna daga á búum, ekki síst fyrir félagsmenn sjálfa. Til greina komi að BV standi fyrir eða eigi aðild að landbúnaðarsýningum, en nefndin telur að þá eigi að skilgreina vel markhóp sýningarinnar í samráði við þá félagsmenn er hyggjast koma sínum vörum eða þjónustu á framfæri. Í öllum tilvikum verði áhersla þar lögð á sérstöðu svæðisins og reynt að koma á tengingu við þá aðila sem geta skipt máli í markaðsfærslu á þeirri sérstöðu.

6. Nefndin telur rétt að stefna á fagferð félagsmanna til Noregs eða Danmerkur til að kynnst starfsemi sambærilegs félags þar. Ágúst 2017 gæti verið heppileg tímasetning að mati nefndarinnar. Fyrirkomulag verði með þeim hætti að þátttakendur beri sjálfir sinn kostnað.
7. Nefndin telur að leita eigi aukins samstarfs við Landbúnaðarháskólann, Háskólann á Bifröst og samtaka sveitarfélaga. Verkefni þar verði m.a. að ræða eflingu landbúnaðar og annarrar atvinnuþróunar á svæðinu leiðir til að bæta þar um. Nefndin telur sjálfgefið að náið samstarf verði áfram við BÍ og RML og önnur félög í landbúnaði. BV gæti haft frumkvæði að því að ráðgjafi á vegum samtakanna greini sóknarfæri á einstökum bújörðum í samstarfi við ofangreinda aðila.

Lokaorð

Nefndin telur rétt að leggja þessa skýrslu fyrir stjórn BV sem ákvarði um framhaldið. Nefndarmenn vilja þakka það traust sem þeim var sýnt með boði um að sitja í nefndinni. Fundirnir hafa verið ánægjulegir og mikil samstaða innan nefndarinnar um meginatriði er vörðuðu störf nefndarinnar.

Nefndin hefur þá lokið störfum.

10. Tillögur lagðar fram

11. Nefndarstörf

Kjörbréfanefnd

Rúnar Jónasson - *formaður*

Albert Guðmundsson

Ásgeir Ásgeirsson

Allsherjarnefnd

Jón Eiríkur Einarsson - *formaður*

Egill Gunnarsson

Guðbjartur Gunnarsson

Arnór Kristjánsson

Helgi Már Ólafsson

Óskar Halldórsson

Sigurdís Sigursteinsdóttir

Unnur Sigurðardóttir

Félagsmálanefnd

Eiríkur Blöndal - *formaður*

Guðný Linda Gísladóttir

Daníel Ottesen

Magnús Kristjánsson

Helga Guðmundsdóttir

Halldór Gunnlaugsson

Ingibjörg Daníelsdóttir

Svavar M. Jóhannsson

Fjárhagsnefnd

Arnar Eysteinnsson - *formaður*

Guðrún Lilja Arnórsdóttir

Kristján Magnússon

Sigursteinn Hjartarson

Sigurjón Helgason

12. Afgreiðsla mála

Jón Eiríkur Einarsson flutti tillögur allsherjarnefndar. Fyrst lagði hann fram hugmyndir að innheimtu félagsgjalda til íhugunar en það var ekki sett fram sem tillaga:

Félagsgjald BV

- Skýrt verði fyrir félagsmenn að þeir sjái ávinning af því að vera félagar og greiða félagsgjöld.
 - o Skýra mun á aðalaðild og aukaaðild.
- Skoða útfærsluna á félagsgjaldi gagnvart lögaðilum og eigendum þeirra.
 - o Eðlilegt er að lögaðili greiði félagsgjald en eigendur eða umráðamenn séu aðilar að sambandinu.
 - o Hugsa mætti sér að greitt væri einhvers konar búsgjald.

Greinargerð:

Það verður að vera skýrt að tilvera búnaðarsamtakana eigi rétt á sér. Jafnframt ef svo er að skýr greinarmunur verði á þjónustu og gjöldum, þannig að félagsmenn njóti betri kjara en þeir sem standi utan félags. Einnig verði gerður skýr munur á ávinningi af því að vera með aðalaðild og aukaaðild. Lögaðili (t.d. einkahlutafélög eða annað lögaðilaform) verður að geta borgað aðild eigenda og/eða umráðamanna.

Aðalfundur BV haldinn að Hvanneyri 14. apríl 2016 lýsir ánægju yfir velheppnaðri sýningu og hátíð sem kennd er við Mýraelda. Aðalfundur þakkar Búnaðarfélagi Mýramanna gott framtak.

Lagt til að skoðuð verði samvinna við Mýraeldahátíð ef setja á upp eins konar Landbúnaðarsýningu fyrir landshlutann.

- *Samþykkt samhljóða*

Aðalfundur BV haldinn að Hvanneyri 14. apríl 2016 lýsir yfir ánægju með störf og hugleiðingar framtíðarnefndar. Skorað er á stjórn að vinna úr þeim hugmyndum sem nefndin lagði til.

- Kristján Magnússon tók til máls um tillöguna.
 - *Samþykkt með 13 atkvæðum engin mótatkvæði.*

Aðalfundur BV haldinn að Hvanneyri 14. apríl 2016 ályktar eftirfarandi:

Skerðing á pósthjónustu í dreifbýli hefur í för með sér mikil óþægindi og óhagræði. Aðalfundur hefur áhyggjur af því að þróunin haldi áfram með svipuðum hætti og það geti að því liðið að ákveðin svæði verði án pósthjónustu.

Aðalfundur BV minnir á að góð pósthjónusta er einn af lykilþáttum í búsetuskilyrðum fólks. Jafnframt minnir fundurinn á að pósturinn er opinbert þjónustufyrirtæki sem nú mismunar þegnum landsins í þjónustu sinni, þrátt fyrir jafnræðisreglu stjórnarsýslulaga.

Pósthjónusta fyrir íbúa hinna dreifðu byggða er mikilvæg og það eru margir sem treysta því að þessi þjónusta sé áreiðanleg, bæði þeir sem fá póstin og þeir sem senda. Misbrestur á þessu trausti getur haft slæmar afleiðingar, sérstaklega fyrir þann sem kaupir þjónustuna og treystir á að sendingin sé borin á eða við heimili viðtakenda.

Nú hefur komið til framkvæmda að ferðum hefur verið fækkað og afhending oft fjarri manna-bústöðum.

Aðalfundur Búnaðarsamtaka Vesturlands haldinn á Hvanneyri 14. Apríl 2016 mótmælir þessu harðlega og krefst þess að pósturinn snúi af villu síns vegar.

- Kristján Magnússon og Eiríkur Blöndal tóku til máls um upphaflegu tillöguna, hún var síðan endurbætt og lögð fram aftur í ofangreindri mynd.
- Torfi Bergsson tók til máls um endurbættu tillöguna

-Samþykkt samhljóða

Arnar Eysteinnsson flutti tillögur fjárhagsnefndar.

Aðalfundur BV haldinn að Hvanneyri 14. apríl 2016 samþykkir að laun stjórnar og skoðunarmanna verði eftirfarandi:

Formaður kr.150.000 á ári og kr. 10.000 á fund

Aðrir stjórnarmenn: kr. 50.000 á ári og kr. 10.000 á fund

Varamaður stjórnarmanns kr. 10.000.- á fund

Skoðunarmenn reikninga kr. 15.000

Auk framangreindra launagreiðslna verði greiddur akstur samkv. aksturstaxta ríkisins.

Laun Búnaðarþingsfulltrúa verði 10.000.- kr. á fundardag auk fullra dagpeninga.

Laun fulltrúa á aðalfundi Búnaðarsamtakanna verði ½ dagpeningar nú kr. 10.800.-

Einnig akstur samkvæmt aksturstaxta.

Samþykkt samhljóða

Aðalfundur BV haldinn að Hvanneyri 14. apríl 2016 samþykkir:

Fjárhagsáætlun fyrir Búnaðarsamtök Vesturlands 2016

REKSTRARTEKJUR	Áætlun	Raun 2015
Seld þjónusta	85.600.000	82.848.883
Starfsfé	18.600.000	18.692.495
Aðrar tekjur	1.000.000	1.680.346
TEKJUR ALLS:	105.200.000	103.221.724
REKSTRARGJÖLD		
Rekstrarvörur	20.000.000	20.211.476
Laun-og launatengd gjöld	57.500.000	56.882.466
Bifreiða-og ferðakostnaður	14.000.000	14.405.023
Annar rekstrarkostnaður	7.300.000	7.762.478
Afskriftir alls	4.500.000	4.697.061
SAMTALS:	102.300.000	103.958.504
Hagnaður(tap) fyrir fjármunatekjur/gjöld	1.900.000	-736.780
Fjármunatekjur / fjármunagjöld	1.400.000	1.462.290
Afkoma dótturfélags		-3.502
MISMUNUR:	500.000	-2.202.572

- Kristján Magnússon, Rúnar Jónasson og Torfi Bergsson tóku til mál máls um tillöguna.

Samþykkt samhljóða

Eiríkur Blöndal flutti tillögur félagsmálanefndar.

Breytt tillaga frá Félagsmálanefnd:

1. **Aðalfundur Búnaðarsamtaka Vesturlands haldinn að Hvanneyri 14. apríl 2016** leggur til að við samþykktabreytingar verði eftirfarandi breytingar teknar til athugunar:
 - a. Að félögum í landbúnaði á svæði BV sem uppfylli tiltekin skilyrði um fjölda félagsmanna og veltu, verði veitt aðild að samtökunum enda samræmist samþykktir viðkomandi félags samþykktum BV.

Samþykkt
 - b. Að Aðalfundur BV verði haldinn annað hvert ár en hitt árið verði formannafundur.

Samþykkt
 - c. Stjórnarmenn verði áfram 5 en svæðaskipting stjórnarkjörs afnumin en bsb Vestfjarða og bsb Kjalarnesþings boðið til sameiningarviðræðna m.a. á þessum forsendum.

Samþykkt

Um tillögurnar tóku til máls, Rúnar Jónasson, Kristján Magnússon, Valberg Sigfússon, Þórhildur Þorsteinsdóttir og Eiríkur Blöndal.

13. Kosning stjórnar og varastjórnar

a. Kosið var um formann Búnaðarsamtaka Vesturlands, hlaut Þórhildur Þorsteinsdóttir, Brekku 23 atkvæði. Kosið var um aðra stjórnarmenn,

úr Mýra-og Borgarfjarðarsýslu:

Daníel Ottesen, Ytra-Hólmi

Halldór Gunnlaugsson, Hundastapa

Úr Snæfellsnes-og Hnappadalssýslu:

Guðný Linda Gísladóttir, Dalsmynni

Úr Dalasýslu:

Bryndís Karlsdóttir, Geirmundarstöðum

Kosning varamanns formanns:

Halla Steinólfadóttir, Ytri-Fagradal

b. Kosning varamanna annarra stjórnarmanna

Úr Mýra-og Borgarfjarðarsýslu:

Helgi Már Ólafsson, Ósi

Ingibjörg Daníelsdóttir, Fróðastöðum

Úr Snæfellsnes-og Hnappadalssýslu:

Gunnar Guðbjartsson, Hjarðarfelli.

Úr Dalasýslu:

María Líndal, Neðri-Hundadal.

14. Kosning skoðunarmanna og endurskoðenda

Kosning tveggja skoðunarmanna og varamanna þeirra: Hallur Pálsson og Brynjólfur Guðmundsson.

Varamenn þeirra: Sigurður Jakobsson og Böðvar Bjarki Magnússon.

Kosning löggilts endurskoðanda: Konráð Konráðsson hjá KPMG.

Samþykkt með lófataki

15. Önnur mál – enginn tók til máls undir þessum lið.

16. Fundarslit

Þórhildur Þorsteinsdóttir þakkaði Valberg Sigfússyni fráfarandi stjórnarmanni góð störf og bauð Bryndísi Karlsdóttur velkomna til starfa. Þórhildur sagðist fara með það veganesti á Aðalfund Búnaðarsambands Vestfjarða að bjóða þá velkomna til frekara samstarfs við BV.

Þórhildur lýsti því yfir að hún væri ekki ánægð með að fá ekki svör við spurningunum sínum. Hún þakkaði starfsmönnum fundarins, þakkaði góðan fund og óskaði góðrar heimferðar.

Fundarritarar

Ingveldur H. Ingibergsdóttir

Anton Torfi Bergsson